

Тәрә хуралгън төгсв

Яшалтинск района колхоз-муд болн совхозмуд тәрә хадлж, цокдж авлгъиг онциднъ кедж авлгъна эв-аргъар кегъад, 42 мингън гектар тәрәг 13 дэрин эргид хурадж авб. Района колхозмуд болн совхозмуд ургъцан цаглань болн геелт угагъар хурадж авад, Төрскнә закомд 2,5 сай пуд буудя орулдж өгв.

Тәрә хуралгън төгсв. Ола намрар тәрә тәрлгънд, мал үвлзүллгънд сән белдвр кеджә. Ола малд шимтә хот белддж авч, терүгән малин үвлзнгүр зөбдж хурахин төлә цуглхозмуд болн совхозмуд тарәнә соломиг хурадж скирдлджәнә. Эрдни-шишәг хаддж силос дарлгъиг ахр цагин эргид кедж авхар шунджацхана.

Района колхозмуд болн совхозмуд малас гарлг шим-шүус икдүлдж, государствд мах, тос, үс, өндг болн ноос орулдж өгх джилә зурагъан болзгаснъ урд күүцә хәр гуджджәнә. Келхд, „Новый мир“ колхоз государствд үс орулдж өглгәнә джилә зурагъан 158 процент, „Заветы Ильича“—136 процент, „Заветы Ильича“, Ленинә, Кировин нертә колхозмуд өндг орулдж өгх джилә зурагъан, „Заветы Ильича“, Кировин нертә колхозмуд ноос өглгәнә зурагъан күүцднъ дүүсчкв.

Ола колхозмуд болн совхозмуд намрар тәрх тарәнә газриг хагълал, самлад бел кеджәнә. Иргчдән ик ургъц ургъадж авхин төлә эртаснъ сән белдвр кеджәнә.

Н. КАРПУН.